

Jose Maria Aznarren aldeko botoa ematea litekeena dela dio Arzalluzek

PP eta EAJko batzordeek zehaztu behar dute orain buruzagien adostasuna

Jose Maria Aznarrek eta Xabier Arzalluzek herenegun egin zuten bilera emankor suertatu zen, EAJko buruzagiak atzo jakinarazi zuenez. Adostasun maila handia lortu zuten, eta bi alderdietako batzordeek adostasun hori zehaztea lortzen badute, baliteke EAJk Aznarren aldeko botoa ematea inbestidura saioan.

Erredakzioa / Donostia

AZNARREN eta Arzalluzen arteko bileran gauzak joan ziren bezala badoaz EAJren aldeko botoa espero daiteke inbestidura saioan. Horrela ulertarazi zuen Xabier Arzalluzek Radio Euskadi irratiaren egindako elkarrizketan. Astearte eguerdian, Aznarren etxean, PPKo lehendakaria, Jaime Mayor Oreja, Xabier Arzalluz eta Juan Jose Ibarretxe bildu ziren. «Gauzak ondo joan ziren» eta bileran zintzotasunez jardun zuten, Arzalluzek atzo jakinarazi zuenez.

«Gauzak atzo bezala badoaz eta atzo adierazi bezala zehazten badira, ez dut inolaz ere baztertzeko inbestidurari baietz esatea», adierazi zuen Xabier Arzalluzek aipatutako irratiaren. Hau da, Aznarren eta Arzalluzen arteko adostasuna zehaztu eta papelean idatzi beharra dago, eta lan hori batzorde negoziatzaileei dagokie. Batzorde hauek atzo arratsaldean ziren biltzekoak, eta gauzak zehaztean ados jarri ziren EAJk baiezkotzea emango dio Aznarri inbestidura saioan.


Franco diktadoreak EAJri ba-

hitutako ondarea berreskuratzeari, transferentzien azkartzei, eta Estatutuaren garapena izan zirenekin gainera astearterako bileran. Arzalluzen hitzetan, puntu hauetan guztietan jarrera ona antzeman zuen Aznarrengan.

Atzo arratsaldeko bileran «gauzak zailduz gero, baliteke denbora gehiago behar izatea, eta denbora badago. Horrelako negoziaketak inbestiduraren bezperara arte izaten dira, baina baliteke horrela ez izatea, zeren atzoko giroa zintzoa izan baitzen, tirabirarik gabekoa», Arzalluzek azaldu zuenez.

PPrekiko negoziaketan, gairik zailena Gizarte Segurantzaren kutxarena da. Zailtasun hori, dena dela, UGT eta CCOO sindikatuen erabateko ezezkoak datorrela esan zuen Xabier Arzalluzek.

Gairik errazena gobernadore zibilei buruzko akordioa izan da. «Ez daukate inolako eragozpenik organo politiko izateari uzteko, eta Gobernuak ordezkariaren menpe dauden zuzendari-administratibo batzuk izan daitezkeen», esan zuen Arzalluzek. X



Xabier Arzalluz pozik irten zen Aznarrekin izandako bileratik.

SIMAL

Israelek Libanon egin erasoak gogor gaitzetsi ditu HBk

«Indiskriminatu eta justifikaezin» iritzi die

Erredakzioa / Donostia

HB-K gogor salatu ditu Israel Libanon azken egunotan egiten ari den bonbardaketak. Talde abertzale honen ustez, «indiskriminatuak eta justifikaezinak» dira Israelen erasoak, eta elkartasuna adierazi dio Libanoko herriari.

HBren iduriko, ofentsibaren bidez Israelek duen benetakoa jarrera «inperialista» agerian geratzen ari da: «Lehen Hamas zigortzeko aitzakiarekin palestinaren etxeak birrindu zituzten gisan, orain Hezbola talde armatuari aurre egiteko aitzakia darabilte».

HBk nazioarteko ordena berriaren defenditzaile diren potentzien jokaera ere salatu du: «Gonzalezek txalotzen duen terrorismoa kondenatzeko akordioak herrien eskubideak urratzen ez dituz bakarrik». X

EXPOVACACIONES EXPOCONSUMO

Bilbo. Apirilaren 17tik 21era

5 egun familia osoa dibertitzeko

Urteko egunetik onenak zure oporrak prestatzeko nazioarteko eta autonomiatako eskaintza turistiko guztienekin. Gainera, Camping eta Caravaning aukerak eta beste proposamen ugari zure aisialdirako. Era berean, hiru dimentsiotan proiektatuta ikusi ahal izango dituzu parke tematikoen eskaintzak.

5 egun dibertitzeko eta ikusteko IX. Diseinu eta Moda Lehiaketa, baita horren inguruan antolatutako desfile ugariak, ileapaingintza erakustaldiak eta beste jarduerak asko ere.

Hitz batean, ikuskizun bikaina 5 egunotan, familia osoarekin gozatzeko. Ez huts egin!



ORDUTEGIA
17, 18, 19:
11etatik 14etara eta 16,30etatik 20,30 etara
20 ETA 21:
11etatik 20,30etara. (ETENIK GABE)

FERIA INTERNACIONAL DE BILBAO



BILBOKO NAZIOARTEKO ERAKUSTAZOKA

468 postakutxa - 48080 BILBO - Tel.: (94) 427 72 00 - 427 66 00
Telefaxa: (94) 442 42 22 - Telexa: 32617 FIMB.E

Barne Sailak Lasarteren aurkako kereila ezarriko du

«Faltsutzat» jo ditu Lasarteren tortura salaketak

Erredakzioa / Donostia

EUSKO JAURLARITZAKO Barne Sailak Valentin Lasarte ustezko etakidearen eta Aitor Ibero bere abokatuaren aurkako kereila kriminala aurkeztuko du, Juan Maria Atutxak zuzentzen duen sail horretako iturriek jakitera eman dutenez. Asteartean Egin egunkariak zabaldu zuenez, Valentin Lasartek Ertzaintzaren aldetik tortura eta tratatu txarrak jasan zituen, Polizia horren esku izan zen egunetan.

Juan Mari Atutxak zuzentzen duen departamentuak ukatu egin du Lasartek dioena egia dela, eta detentatuak egin dituen salaketa guztiak faltsuak direla erantsi du. Barne Sailak ziurtatu du Lasartek jaso zuen tratua «egokia» izan zela, eta «kalumniazat» jo ditu haren salaketak. Barne Sailaren aburuz, adierazpen hauen bidez Lasartek garbitu nahi du bere irudia ETArekin aurrean, Baltasar Garzoni egin zizkion aitortpenen ostean. Hauetako, Atutxaren departamentuak dioenez, «Ertzaintzak Donosti komandoaren azpiegitura-

ren zati handi bat desegitea lortu baitu».

Herri Batasunak prentsa ohar bat argitaratu eman du gai honen inguruan. Talde abertzale honen iduriko, «Lasartek eta Arrietak jasan dituzten torturak, zorritxarrez, ohizko zerbait» bihurtu dira Ertzaintzaren jardueran. HBk dioenez, «azkeneraino» joateko asmoa du Lasartek egin duen salaketa argi dadin. Ildo horretan, talde abertzaleak ziurtatu du herri honek zutik jarraituko duela Ertzaintzak eta EAJk ezker abertzalearen aurka «zigorrik jaso gabe» jarduten segitu arren.

Eusko Legebiltzarreko Giza Eskubideen batzordean atzoko saioan HBk eskaera egin zuen gai honi dagokionez. Talde abertzaleak pertsona hauen agerraldia eskatu zuen batzordean: Aitor Ibero Lasarteren abokatua, Ertzaintzaren komisarian Lasartez arduratu zen mediku forensea, bera ikustera joan zen Jose Miguel Martinez Gasteizko Auzitegiko magistratua eta Lasarteri hasieran ezarri zioten ofizio-abokatua. Batzordeak ez zuen onartu HBren proposamena. X